

Egei Sasama Polha Sa Tesalonaika O Kediāmokōu Nalāma Neī

Tawale Tā

Polhā sasafeī kuguo ke nalāma, damaleyodei o sasai, sa Tesalonaika tie kediāmokōu nelemōu dalali, habage sasama kuguo kōune nalāma, diāmokōu neī. Hiye Ohā haguale keme diā defeido ta tawale ili mei. Diage wa, kōu hagueiyade tawale i.

Kegei kahā degemōu, Polhage midihō gehe gehe, Yesuhā haguale hafeī degeiba tamā degele ke kuhe tobolōu mōu nalāma neī.

Kuguo 2 Tesalonaika kōumahā tā sibige tanōu tanōu olōu feibe kuhe:

Tā Hiye 1-2

Hiye Ohā haguale sawisieī keme habage tamā degele.

Tā Hiye 3

Sa Tesalonaika tie kediage dabai degele dafa idi o kediamē dōsusuloba egele tobōu mabeedei.

**Hiye Ohā haguale sawisieī keme habage
tamā degele**

(Tā Hiye 1-2)

¹ Pol abōu, o Sailasbōu, o Timotibōu ei damaleyodele i o sasai, sa Tesalonaika tie nīmokōu kuguo kōu nalāma nelī kuhe. Nīme di Aye Godibōu, Hiye O Yesu Kelesubōu de dogōu guo dalagua.

² Di Aye Godibou, di Hiye O Yesu Kelesubou dilie nimokou habagugueiba, nime bologuado dalamabado-mou.

Sa Tesalonaika o sasai kedia hagi duguomou be, neledo degenou deleigui

³ Mogo diama, eige Godikou bolofeyode tobolou idi. Kege degedibe bolou, yobe, ni damaleyodeibou solou do degedi midihobou ke hiyedo degeligi, ni niou sie yogokou solou do degeimou solou do degeimou dili kaha degemou. ⁴ Nime damaleyodema dalaguamou, ho oe ni makoloyodema degele imou be, ni ke duguo neledo dege dalagua keme eige damaleyodele i o sasai, sa sa olou fei tie kediamokou susulo tobolou mou, ni hu ke hebele foguo suluguadi.

Godiha di fidibe dou donou fidi

⁵ Ni damaleyodema, hagi olou fei dugumou be, Godihage dimokou you di fidibe dou doyode hegili. Kegei kaha degemou, e ni midihou ke file duguobabe, boloyodema, nime sa, e wolou dala kokou fologaleyode tobolou. ⁶ Godibe midihou dou donou milou di o. Kegei kaha degemou, nimokou hagi nedi o kediamokou be Godihage hagi nele. ⁷ Haba tabe, e degeiye, o sasai, ifi hagi hiyedo dugulu nime diyou fei misiholo duwoguale. Hiye O Yesubou, e esol o neledo kediabou de hebeni tou fogou, dou wobolou keleya ke haguababe, Godihage di misiholo duwoguamabeede tobolou. ⁸ Yesuha haguaba, o sasai Godi tewe mei kediamokou hebe kasagai ke nele. Di Hiye O Yesuha e ta uwo bolofei ke tawali mei o kediamokou ne hebe kasagai

ke nele. ⁹ O sasai kediameme hebe kasagai ke malaba, Hiye Oha hohobou nelebou keme ahudo dege dalaba, kasagai kokou tofousogo tofousogo kegenou dalale. ¹⁰ Sawisieie Godiha makai kelege, Hiye O e hagubabe, Godiha o sasai kedia emokou hohobolou ile. Damaleyodele i o sasai kedia e hu hebele fogulo ile. Nine kegele ile, yobe, ta ei hehegie tobolou i keme ni damaleyodele i kaha degemou.

Polbou diage Godiha sa Tesalonaika o sasai kediamokou dedei hiyedo ke neyadomou diho baga tobolou i

¹¹ Ei Hiye Oha haguale kokou fimamou, diho baga tobolou idibe, Godiha ni dogou guyedema kuhe diho baga tobolou idi. Eige midihou, Godiha ni sesemabadomou hagnosisai ke ni milou ba Godiha duguyedema kuhe diho baga tobolou idi. Haba, Godiha neleya ke midihou bolou, ni degele sagai kebou, damaleyodele kaha midihou ni milolou sagai kebou de bologuanou milou mabadomou kuhe diho baga tobolou idi. ¹² Eige nime midihou bolou kenou milou mabadomou diho baga tobolou idi, ni Hiye O Yesuha hu hebele foguba, haba ene nimokou hohobou yadomou kuhe diho baga tobolou idi. Di Godibou, di Hiye O Yesu Kelesubou dilie habagugueibe nibou de dala kaha, ei kege kuhe diho baga tobolou idi.

2

Kuolou ta gobou di obe habage tamaga degele

¹ Mogo diama, di Hiye O Yesu Kelesu haguba, di e gelegulo ke ei nimokou tawale ta tobou ladi. ² O ilo kelege Hiye Oha haguale sawisieibe kou hagua gabama iyode tobou babe, ni kesigidama. O tae ta habage degele ta

tobou bane, Duo Bolofeiha o takou kou hegiyode tobou bane, haba kuguo kou Pol a nalaiyode tobou bane ke dulobabe, hobou kesigie gue degedama. ³ Ogou gai ta ke duloba damaleyodedama. Hiye Oha hagualebe mogogou haguale mei. E hagonalaba degeibabe, kelege o sasai sudo Godi tobekou mugulo ile. Godi tobekou muguoba ibe deba, kuolou ta gobou di widio o ke kuhe tama degele. O keme Godiha makoma mei degeleyodema makai dala. ⁴ O kahage kuolou tabou, godiyodele idi kebou olou fei tobekou muguoba, you e hu kenou hebele fogulo. Haba, ege di Godiha mosokou folobabe, eme Godiyode tobolou.

⁵ A nibou de dalali, midihogagei kagei kagei tama degele olou fei ke hehegie tobou keme ni de tawale i? ⁶ Ni kou tewe. Ifi kou bou ge, kuolou ta gobou di o e akoguo dala dedei kene ni kou tewe. Eme Godiha makai kelegenou tama degele. ⁷ Kuolou ta gobou di midihog keme o sasaiyene ifi milolou iliye, kenou si tamado milolou iyo mei. Yobe, akoguo dala o ege Godiha tobou ba, kou a sougolou ye, kenou si you dala. ⁸ Kegeba, kuolou ta gobou di o keme o sasai dihile kokou tama degele. Tama degeiba, Hiye O Yesuha e mogou hohou kaha o ke wouba tolo ile. Damaledo, Hiye Oha hagua, e hoho kahane kuolou ta gobou di o ke makoma mei degele. ⁹ Kuolou ta gobou di o kaha hagualebe, Tamaha neleya kenou haguale. Hagua feleba, o sasai kedia dihile kokou Tamaha ogou gadi midihog gehe gehe ke milou gouba duguoba hiyedo kesigile ile. ¹⁰ Ogou gai midihog kasagai milou gamou iba, o makolo ile kedia kokou damaleyodele ile. Yobe, Godiha mamolou kaha

ta damaledo keme dia ta hoho dege dulo ili mei kaha degemou. ¹¹ Kegei kaha degemou, o sasai kedia ogou gai ta kokou damaleyodele ibabe, Godihage mou duguo fogolou. ¹² Kegema, o sasai kediam Godiha ta samaba, hebe kasagai nele. Yobe, dia olou fei Godiha ta damaledo kokou ta damaleyodele ili mei, midihog kasagainou hoho dege milolou idi kaha degemou.

Godiha ni mamolouyodema makai

¹³ Mogo diama, Hiye Ohage nime tagadido. Sawisiei olou fei ei ni tawalemou, Godikou bolofeyodedi. Yobe, Godiha tagaliya ke, nime diabukou damaleyodei o kedia timidu dalaguaba, Duo Bolofeiha ni duledu dabai degeiba, nige damaledo ta kokou damaleyodeba, Godiha ni mamolouyodema makai dala. ¹⁴ Ni kegemabeedema, Godiha ni haguaisibe, you e ta uwo bolofei, ei tobou di kahanou hagnosisai, ni olou fei di Hiye O Yesu Kelesuha hoho kokou nou dalamabadomou. ¹⁵ Mogo diama, ni neledo dege dalaguama. Ta ei nimokou hehegie tobou kebou, kuguokou nalai kebou de olou fei tolou sesema.

¹⁶ Di Hiye O Yesu Kelesubou, di Aye Godibou dilie dimokou solou do dege habaguguemou, dedei sasagieimou be, di neledo dege tofousogo tofousogo dalagua. Dilie degeiye, di Godiha dimokou bologuado degele ke dia dalagua. ¹⁷ Ei tagalibe, e nimokou dedei sasagieiba, nime midihog bolodonou milou gaba, tane bolodo kenou tobolou ile ke tagali.

Sa Tesalonaika tie kediage dabai degele
dafa idi o kediame dosusuloba egele
tobou mabeedei

(Ta Hiye 3)

3

Nige Godiha ei dogou guyedema diho baga tobou mabeedei

¹ Mogo diama, a ma ta mei degelamou uwage tobolou kuhe. Nige Godiha ei dogou guba, Hiye Oha ta ke sa sa olou fei tobolou tefeyedema diho baga tobou ma. Ni e hu hebele fogulo idi sagai, sa sa o sasai ilo kediane e hu hebele fogumabeedema diho baga tobou ma. ² Haba tabe, midiho kasagai milou di o kedia eimokou bou basia degeiye deba keme diho baga tobou ma. Niou kou tewe, o olou feido Kelesukou damaleyodele ili mei.

³ Kenou si, Hiye Ohage you kou degeleyodei keme doudo degedi kaha degemou, e nimokou dedei neleba, ni wolou dalale. Hiye Oha ni wolou dalababe, Tamaha nimokou midiho kasagai ta degele mei. ⁴ Hiye Oha degeiye, eige ta ei nimokou hehegie tobolou koume ni dulo sesele ilidade tawale i. Habagene ni ei tobolou koume dulo sesele iledade tawale i.

⁵ Ei tagalibe, nime Hiye Oha younou dogou guo dalaba, Godiha solou do degedi midiho kebou, Kelesuha hagi duguo neledo dege daladi midiho kebou de milou gale ke tagali.

O sasai olou fei dabai degemabeedei

⁶ Mogo diama, Hiye O Yesu Kelesuha huya ke ei n̄imokou egele tobolou kuhe. Damaleyodele i o sasai ilo kele mou youwa duwoli, ta ei hehegiendi ke dulo sese ho fogou babe, n̄ime o kegele i kediamou de suluguadama. ⁷ Ei n̄ibou de delei kelegebe, mou youwa deleli mei keme niou kou tewe. Nebe kenou tefele, n̄ine kegenou dalaguama. ⁸ Ei nale mou youwa ta mouidiyo mei, seleyenou mamouidi. Damaledo, eige ni eimokou nale ta dogou gumabeediyo mei, n̄imokou hagi nele ilebe dafa idi. Ei huliamebou agalibou de Godiha dabaibou, sele dabaibou de hiyedo degele idi. ⁹ Ei ni nale mou youwa moloube kou boloye, kenou si mou youwa ta mouidiyo mei. Ke degedi kaha yobe kou gue, ei n̄imokou midihou bolodo hegiba, n̄ige kenou duguo sesemabadou.

¹⁰ Niou kou tewe, ei n̄ibou de deleigui kelegebe, n̄imokou kou gue tobou di,

O taha dabai dege ho fogou babe, nalene nadayedei.

¹¹ Eige oe tobolou imou dube, ni kile o sasai ilo kediage mou youwa duwoguali, dabai degele dafaiyode tobolou imou du. Die bi kaha ta kenou tobolou idi. Diou die dabai ta degele idiyo mei. ¹² Ei Hiye O Yesu Kelesuha huya ke o kegele ili kediamokou egele tobolou be, n̄ime amafei dalali, niou ni nale dabai kenou degemabeede tobolou kuhe.

¹³ Mogo diama, n̄ige midihou bolou milou gale keme dafadama. ¹⁴ O taha ta, ei kuguo kuokou hehegiemou nalai ke dulo sese ho fogou babe, n̄ime o ke duguo tawaleba, ahu dege dalama. Kegeiba, e you degei ke tawaleba sidifi

degele. ¹⁵ Keñou si o kegei keme nige ho madama. O keme damaleyodei o, ni mogo. Kegei kaha degemou, nige amafei himi dege egele tobolou ba doususuma.

Polha sa Tesalonaika tie kediamokou agali bolofeyode tobou

¹⁶ Hiye O eme bologuado daladi kaha e obou do. E degeiye, nime bologuado dalaguale. Damaledo, Hiye Oha ni olou fei dogou guo dalale.

¹⁷ Pol a nimokou agali bolofeyodili koume a mayou ma dobogouyenou nalolu kuhe. Kuguo olou fei a nalama nedi kokou be kou guenou naladi.

¹⁸ Di Hiye O Yesu Kelesuha habagugueibe o sasai olou fei nibou de dalaleyode tobou di.

Godihā Tā Bolofei

Konai: Godihā Tā Bolofei New Testament

Nupela Testamen long tokples Konai long Niugini

copyright © 2014 Wycliffe Bible Translators, Inc.

Language: (Konai)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

8c47cab8-fc6e-524e-936f-c52eba70db94